



FANONGONONGO

23 Sune 2017

Fanongonongo 'a e Pangike Pule Fakafonua 'o Tonga **Fekau'aki mo e ma'u 'o ha Pa'anga 50 Loi**

Kuo ma'u pea mo fakapapau'i 'e he Pangikē Pule Fakafonua 'o Tonga ha lau'i pa'anga loi 'e tahataha (11) 'i he pa'anga 'e \$50 fo'ou ('Imisi 'o 'Ene 'Afio Tupou VI). 'Oku hoha'a ai 'a e Pangikē Pule' na'a kuo lahi e \$50 loi kuo tufaki holo.

Ko e ngaahi lau'i pa'anga ko 'eni' 'oku 'ikai ke hā ai 'a e ngaahi faka'ilonga fakapulipuli maheni, 'a ia 'oku totonu ke ma'u 'i he lau'i pa'anga \$50, 'o hangē ko 'eni:

1. Ke hā 'a e langi 'o 'Ene 'Afio' 'i he maaka hinehina fuopotopoto (watermark) 'i he tafa'aki to'ohema 'o e lau'i pa'anga kapau 'e puke ki 'olunga ki he maama;
2. Kuo pau ke hā 'i he fofonga 'o e lau'i pa'anga ha filo siliva ngingila 'a ia 'oku te malava ke vakai mei he tafa'aki 'e taha ki he tafa'aki 'e taha, pea 'i he tu'a 'o e lau'i pa'anga, 'oku hā mahino ange ai fakataha pea mo e 'imisi 'o e metali fakafonua;

'Oku 'oatu ai 'a e fakatokanga mamafa ko'eni' mo e kole ki he kakai 'o e fonua' ke mou vakai'i lelei 'a e lau'i pa'anga kotoa pē tautefito ki he pa'anga 'e \$50 fo'ou na'a ko ha pa'anga loi, kimu'a pea ke toki tali ke ngāue'aki, he ko e pa'anga loi kotoa pē, 'oku 'ikai hano mahu'inga pea he'ikai ke tali ia 'e ha pangikē pē koe Pangikē Pule Fakafonua 'o Tonga.

'Oku kole atu ai heni ki he kakai 'o e fonua, ke mou kātaki 'o 'omai ha ngaahi pa'anga loi temou ma'u ki he Pangikē Pule Fakafonua 'o Tonga' kemau vakai'i mo fakapapau'i pea ke fai foki ha ngaue kiai. 'Oku mau fakatokanga atu heni kiate kimoutolu 'oku mou paaki mo tufaki 'a e ngaahi lau'i pa'anga loi ko 'eni, ke mou mea'i ko e hia mamafa 'eni 'i he lao hotau Fonua, 'o hange ko ia 'oku tu'utu'uni 'e he kupu 59 moe 61 'o e Lao ki he Ngaahi Hia CAP 18 pea moe kupu 29 'o e Lao Fakatonutonu ki he Pangikē Pule 2014.

Ki ha ngaahi fakaikiiki, kataki fakafetu'utaki mai ki he:

Pangike Pule Fakafonua 'o Tonga

Fika Telefoni: (676) 24 057; Fax (676) 24 201

Website: www.reservebank.to